

سنه کی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون محاکمه

آبونه اولق ایستینلر دائره عدلیه
اداره مخصوصه سنه مراجعت
ایملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

قونیجه قضاسی بدایت محکمه سی جزا دائره سی ریاستی پوغون قضاسی بدایت محکمه سی جزا دائره سی رئیس شاکر افندی یه

پوغون قضاسی بدایت محکمه سی جزا دائره سی ریاستی قونیجه قضاسی بدایت محکمه سی جزا دائره سی رئیس سلامی افندی یه

قرچوه قضاسی بدایت محکمه سی مدعی عمومی معاونلکی آچه حصار قضاسی بدایت محکمه سی مدعی عمومی معاونی فائق کمال افندی یه

آچه حصار قضاسی بدایت محکمه سی مدعی عمومی معاونلکی قرچوه قضاسی بدایت محکمه سی مدعی عمومی معاونی علی رضا افندی یه تفویض بیورلمش ومومی الیهم ذاتاً مخالف بولنمشدر .

تبدیلات

دائره اجرا معرفتیه مشتریسنه تسلیم اولنان خانه نك حین تخلیه سنده دیگر محله نقل ایدلمش اولان اشیانك بر قسمی اخیراً صاتیله رق اتمانندن محل مذکورك متراکم کراسی تسویه اولدینی کی مکرراً وقوعبولان تبلیغات اوزرینه مدیونه نك الیوم آلمقدن استکاف ایتمکده اولدینی بقیه سنك کافی السابق حال محفوظیتده بولندیرلسی بونلرک دخی ایلروده کرایه محسوبی صورتیه حقتده ضرری مؤدی اوله جنی بیانیله بو بایده اقتضا ایدن معامله نك لزوم تعیینی استفسارینه دائر امور حقوقیه مدیرتندن یازیلان ۳ ایلول سنه ۳۳۳ تاریخی مذکره انجمن عدلیه یه لدی الحواله دوائر اجراییه جه احوال مماثلده اتخاذی لازم کلان معامله قانون مخصوصنك حجز امواله متدائر بولنان مواد معلومه سنده کوستریلان اصوله قیاساً اصحابی جانبندن آلمان ویاخود علاقه دارانی موجود اولیان اموال واشیانك جنس ونوعی وعدد و قیمتنی مین بردفترک

تنظیمیه برابر بونلردن تلف و ضیاعی محتمل وحالیله ابقاسی غیر قابل اولانلرک در حال بالمزایده صاتیله رق اتماننك مراجعتی وقوعسنده صاحبنه ویرلک اوزره امانه اجرا دائره لرنده و دیگرلرینك نقل اوله حق اوله حق مناسب محللرده حفظی خصوصاتندن عبارت اولدینی کی شویولده جریان ایدن معاملات متعاقب اصحابنك اموال محفوظه یی آلمقدن ینه استنکافی ویا غیوبتی حالنده دخی قانون مزبورك یکرمی طقوزنجی ماده سی منطوقجه اقتضا ایدن مراسم اعلانیه ومعاملات تبلیغیه نك اجرایی تاریخندن اعتباراً اوچ ماه مرورنده ذکر اولنان اموال واشیانك اصوله توفیقاً فروختیه اتمانندن خانه و او طه کراسیله سائر مصارف اجراییه نك استیفا اوله رق قصورینك کذلک مراجعتیه تعلیقاً دوائر اجراییه جه حفظی ایجاب ایده جکندن صور محرره یه توفیق حرکت اولنسنك لازم کلنلره تبلیغی بیان وافاده قلمشدر .

محاکمه و مقررات

محکمه تمیز حقوق دائره سندن تنظیم واعطا اولنان اعلامدر :

اسکیشهر قصبه سنك سیدغازی ناحیه سنه تابع قیوجق قریه سنده مقیم قره کچلی عشیرتی رئیس حاجی محمدک زاده حاجی بکرک ایله ناحیه مذکورنك عریان قریه سنده ساکن حاجی عادل اغا بیننده متحدث دعوا یه دائر خداوندکار استیناف محکمه سندن ۲۸ شباط سنه ۳۳۱ تاریخی وقرق عددی ایله ویریلان اعلام مومی الیه حاجی بکرک طرفندن تمیز ایدلمکله اعلام مذکور طرفینك اعتراض وجواب لایحه لرله برابر بالمطالعہ تدقیقات تمیزیه اجراسنه ابتدار اولندی .

اعلام مذکورک خلاصه مالی مرقوم حاجی عادل اغانك عثمان قاضی ورثه سندن اشترا ایلدیکی مؤمن چفتلکی حصه معلومه سنه مقابل ورثه مرقومه یه

بورجی اولان اون التییک غروش مومی الیه حاجی بکرک طرفندن اعطاسی تعهد اوله رق حصه معلومه مذکورنك طرفنه ترکی التماس اولنسی اوزرینه مبلغ مذکورک اون بییک غروشی شهنذر زاده حاجی مصطفی بکدن حواله وقصور التی بییک غروشی دخی خزار تحتسی تسلیم ایدلمک صورتیه ایفا واولسایده مرقوم حاجی عادل اغا طرفندن حصه مذکورنك مزبور حاجی بکرک ترک ایدلدیکی حاوی برقطعه سند اعطا قلمش بولندینی حالده اخیراً حصه مذکورنك آخره فروخت ایدلدیکندن بختله مزبور اون التی بییک غروشک استردادی حقتده مزبور حاجی بکرک جانبندن اقامه ایدیلان دعوی اوزرینه جریان ایدن محاکمه وتدقیقات نتیجه سنده مرقوم حاجی عادل اغانك مذکور سند زیرینه موضوع مهر کندوسنك اولدینی اقرار وانحق مندرجاتی انکار ایش ايسه ده بالاخره وکیللری جانبندن مندرجاتنك دخی تصدیق واقرارله بوندن طولای یکدیکرینك ذمتی ابرا ایلدکرینی در میان ایللری اوزرینه ایشده تناقض بولندینی تحقق ایلدیکندن مذکور اون التی بییک غروشک مجله نك بییک التی یوز طقوزنجی ماده سی موجبجه مدعی علیه حاجی عادل اغادن بالتحصیل مدعی حاجی بکر بکه اعطاسنه وبدلی تسویه ایدلدیکی حالده الیوم مدعی علیه یدنده قالدینی اکلاشیلان التی بییک غروشلق سنك ابطالنه دائر بدایه ویریلان اعلامك عند الاستیناف فسخیله جریان ایدن محاکمه وتدقیقات استینافیه نتیجه سنده طرفین وکیللرینك وقوعبولان ادعا ومدافعتندن اکلاشلدینی اوزره مدعابه اون التی بییک غروش حقتده مومی الیهما حاجی عادل اغا ایله حاجی بکرک میانه لرنده منعقد اولان حواله مطلق اولوب بونلردن حاجی عادل اغانك محال له وبکرک بکک محال علیه بولنسی جهتیه مجله نك التی یوز سکسان برنجی ماده سی موجبجه محال علیه مومی الیه حاجی بکرک محال له مزبور حاجی عادل اغایه مراجعتیه حق اوله میه جفته بناء مدعابه اون التی بییک غروشندن

طولانی موسی الیه حاجی بکر بک منور حاجی عادل اغایه قارشو بیوجه وقوع بولان معارضه سنک منعه حکمدن ومستدعی تمیز حاجی بکر بک اشبو حکم علیهنده لایحه سنده محرر باشلوجه اعتراضی دعوی واقعنک اساسی اموال غیر منقوله نک بیع وشراسندن عبارت اولوب حواله یه متدائر طرفندن برکونه ادعا ومدافعه سبق ایتمدیکی حالده محکمه استنباطیه جه حواله نک تدقیق جهته کیدیهلرک مجله نک الی یوز سکسان برنجی ماده سنه توفیقاً برمنوال محرر قرار ویرلسی مغایر قانون اولدیفندن بمثله اعلامک تقضی استدعاسندن ولایحه جوابیه مؤداسی دخی اعتراضات مسروده نک واهی اولدیفنی بیانیله ردی طلبندن عبارتدر .

ایجابی لدی المذاکره اعلام مذکور مألندن مستبان اولدیفنی اوزره جریان ایدن محاکمه تحقّق ایدن حاله کوره مدعینک شخص ثالث ذمتنده مطلوبی اولان مبالغی قضه مدعی علیهی توکیل ایتمدیکی و مرقوم دخی مبلغ مذکور بالوکاله اخذوقض ایلمدیکی تحقّق ایتمسه کوره مرقومک مبلغ مذکور ایله بدلسز قالان الی بیک غروشلق سندی مدعی یه رد واعاده ایتمسه قرار ویرلمک لازم کلور ایکن حواله یه توفیق معامله ایدیهلرک حکم اولنسی بولسز ومغایر قانون اولدیفندن اصول محاکمه حقوقیه قانونک ایک یوز اوتوز ایکنجی ماده سی موجبجه اعلام مذکورک تقضیه قانون منورک ایک یوز قرق دردنجهی ماده سنک فقره اولاسی حکمنه توفیقاً کیفیتک تکرار بالرویه اعلامه ربطی ضمننده محکمه مذکوره یه اعاده سنه ۱۷ کانون ثانی سنه ۳۲۲ تاریخنده متفقاً قرار ویرلدی .

محکمه تمیز استدعا دأره سندن تنظیم واعطا قتلان اعلامدر :

برشته سنجانی بدایت محکمه سی جزا دأره سندن لاحق اولوب ۲۶ تشرین اول سنه ۳۲۲ تاریخنده تفهیم قتلان قراری ناطق ۲۴ کانون ثانی سنه ۳۲۲ تاریخلی وایکی یوز سکسان طقوز عدلی اعلامک تمیزاً تدقیقی مستدعی محکمه مذکوره مدعی عمومی معا و لنکی جانبدن معطی ۲۶ تشرین اول سنه ۳۲۲ تاریخلی استدعانا مه واوراق متفرعه سی باش مدعی عمومی ملک مأموریت بهیه سنک ۱۰ نیشان سنه ۳۲۳ تاریخلی تبلیغنامه سیله محکمه تمیز استدعا دأره سنه تودیع اولنش ولدی التدقیق استدعانا مه مذکورک مدت قانونیه سنه موافق اولدیفنی اکلشلمش اولغله بالقبول تدقیقات تمیزیه اجراسنه ابتدار قلندی .

اعلام مذکورک خلاصهٔ مالی پرشسته ژاندارمه ملازم لردن راشد بکله معنی افرادینه وولچترینک لادوشه قریه سندن قاسم بن عمره قتل قصدیه استعمال سلاح ایتمدیکی ادعا اولمسندن طولانی جنایتله اتهام ایدیلان لواء منورک مرامور قریه سندن قدری بن صدری حقنده اجرا قتلان محاکمه وتدقیقات نتیجه سنده متهم مرقومک قتل قصدیه تفنک آتدیفنی حقنده وحصول قناعته مدار اوله جق دلائل وقرائن قاطعهٔ قانونیه یه تصادف ایدیهلرک بموجب انجق ایضای وظیفه اثناسنده ملازم موسی الیه ایله مرقوم قاسمه اخافه قصدیه تفنک آتدیفنی استماع اولتان شهودک اخباراتی وکندوسنک طرز بیانی واوراق ابتداییه محتویاتی اماراتیهلرک تحقّق ایتمدن مرقوم قدرینک اخافهٔ سلاح آتمق فعلنک فاعلی اولدیفنی قرار کیر اولدقندن صوکره قانون جزانک یوز اون اوچنجی ماده سی حکمنه توفیقاً آتی ماه مدته حبسنه حکم ویرلدیکندن عبارت بولمشدر .

لایحه تمیزیه دخی شهود مستمعنک معاملهٔ تحلیفه سی اصول وقانون دأره سنده اجرا اولمدنیشی وشاهد لردن ژاندارمه رمضان وجلال الدینک افاده مضبوطه لرینک قرائتی ومتممک ژاندارمه ملازمی ایله افرادینه قارشو تشهر سلاح ایتمدنیکنه دأره دلائل صریحه موجود اولوب قاسم نامنده آحاددن برینه سلاح چکدیکی حقنده اخبار وشهادت وقوعبولدیفنی حالده قوه ضابطه یه اخافه تشهر سلاح ماهیتنده تصویر وتطبیق جرم اولنهرق بروجه محرر قرار ویرلسی نقض حکمی موجب اسبابدن بولندیفنی بیانیله اعلام مذکورک نقضی استدعا ایدلشدر .

تبلیغنامه ده ایسه لایحه تمیزیه ده دریمان اولتان اعتراضات بجا کوردیکی بیانیله اعلام تمیز بهک تقضی طلب اولمشدر .

قانونیه دن بولنش ایدوکندن اصول محاکمات جزائییه قانوننک اوچوز اون دردنجهی و اوچوز اون طقوزنجی ماده لری احکامنه توفیقاً اعلام تمیز بهک بر موجب تبلیغنامه نقضه واحکام قانونیه دأره سنده ایضای معامله ایدلمک اوزره اوراق مرقومه نک محله اعاده سنه ۲۱ مایس سنه ۳۲۳ تاریخنده متفقاً قرار ویرلدی .

چوبان والچونی قتل قصدیه جرح ایدیکی ادعا اولمسنندن دولای جنایتله اتهام اولتان استاقونک اوچ سنه مدته کورک قولنسه دأره دده آجاج سنجانی بدایت محکمه سی جزا دأره سندن اعطا قتلان ۵۳ نومرو لی اعلام

لحه نام خاتونی قتل ایدیکی ادعا اولمسنندن دولای جنایتله اتهام اولتان ایزغور قاسمک اون بش سنه مدته کورک قولنسه دأره دراج سنجانی بدایت محکمه سی جزا دأره سندن اعطا قتلان ۲۵۹ نومرو لی اعلام

یوزغالی حیطه یی قتل ایدیکی ادعا اولمسنندن دولای جنایتله اتهام اولتان قوجه عثمان اوغلی عثمانک اون بش سنه مدته کورک قولنسه دأره نو قاج سنجانی بدایت محکمه سی جزا دأره سندن اعطا قتلان ۶۱۵ نومرو لی اعلام

لغظه قضاسنک قوالر قریه سی قشلاق مستأجری نعمان کهپانک چوبانی جلیل بن اسکندرک کیفیت قتلدن دولای جنایتله اتهام اولتان نظیف بن محمودک اون بش سنه مدته کورک قولنسه دأره سلانیک ولایتی استیناف محکمه سی جزا دأره سندن اعطا قتلان ۳۴ نومرو لی اعلام

کولمجنه نک حصار جق قریه سندن راشد اوغلی رضایی ضرب ایدرک وفاته سببیت ویردیکی ادعا اولمسنندن دولای جنایتله اتهام اولتان خلیل بن محمدک صغر سنی حبسنه و بوش سنه ضبطیه نظارتی آتنده بولندیرلمسه دأره کولمجنه سنجانی بدایت محکمه سی جزا دأره سندن اعطا قتلان ۳۳۷ نومرو لی اعلام

قوزنه یی جرح ایله تعطیل عضویه سببیت ویردیکی ادعا اولمسنندن دولای جنایتله اتهام اولتان کورچی استوقونک اوچ سنه مدته کورک قولنسه دأره مناسر ولایتی استیناف محکمه سی جزا دأره سندن ویریلان ۲۰۸ نومرو لی اعلام محکمه تمیز جزا دأره سنجه تصدیق قلمشدر .

۶۱۹ نومرو لی نسخه ده مندرج درسعادت جنایت محکمه سی اعلامنک بقیه سی :

لایلا و مساحا دیون عمومییه واوزون چارشو وفنجانیلر زقاق جاده لرنده ظفیری افندینک معامله شدت اجراسیله پالطو وتسییحی ایله اچمه سی وطودوری افندینک نقد معلومی وقسطینک دخی اچمه سیله ساعتی اخذ وغصب ایتمکری ادعاسیله اتهام اولتان مشهد علی وعبدالعلینک حضور محکمه ده انکار کیفیت ایتملری اوزرینه استماع شهوده ابتدار ودلائل سائر یه مد انظار اولندقمه مرقوماندن مشهد علینک وقعه کیجه سی النده ایری دانه لی برصدف تسبیح اولدیفنی وسرخوش بولندیفنی حالده قهوه خانه یه کله رک کندی کندوسنه اطاله لسان ایدرک سولندیکنی حقوق عمومییه شاهد لردن اوزون علی وقهوه یی چراغی عباسک حضور محکمه ده مع القسم وعلی الدرجات اخبار وتلقین ومتمماتک بیتوتت ایتمکری اوطه نک حین تحریر سنده ظفیری افندینک مالی اولدیفنی اکلشیلان تسبیح ایله پالطونک وترزی قسطینک ساعتک کیر بر صالدرمه ایله برلکده ظهور ایتمدیکی ضابطهٔ عدلیه ژورنالننده کوسترلیدیکندن بشقه ظفیری افندی وطودورینک سارقلردن برینک مشهد علی اولدیفنی ومتمماتک اقامتگاه لرنده ظهور ایدن بیجاغک حین سر قده کشیده ایدیلان بیجاغ ایدوکنی ینه ظفیری افندی ایله قسطینک محاکمه واستطاقاً تعیین وعبدالعلی ایله برلکده مرجان بقوشی جوارندن مرور ایدن قوریه ییقلی کنج برشخصک اوزرینه هجوم ایدرک ومرقوم عبدالعلی بیجاغ کشیده ایدوب آرقه سندن پالطوسی آله رق جیلربی قاریشدر دینغی ولیلهٔ مذکورده اوزون چارشو باشنده دخی بیقیلر رشخصک اوزرینه بالهجوم اچمه واشیاسی اخذوسرقت ایتمکری و اوطه لرینک تحریر سنده پالطونک عبدالعلینک یتاغی اوستندن وساعتکده یصدیفنی آتندن صالدرمه نک ایسه کندی یتاغی آتندن چیقدیفنی متهمانندن مشهد علینک حضور مستنطقده طایعاً اقرار وتیین ایتملرینه قارشو وقوع بولان مدافعات ماهیتک ارا نه وفصلی لازم کلدی .

متهمانندن مشهد علینک حضور مستنطقده کی اعترافی قانوناً امور محققه دن معدود اولدیفندن علمینه استعمالی لایه ومع هذا اشبو اقرارینی اقامتگاه لرنده اشیا ی مسروقه نک ظهور ایتمی مؤید کورنمسنه واشیا ی آتفه نک مدعی شخصیلرک اولدیفنی ینه اعترافی وسوزینک اشبو اشیا کندو ماللری اولدیفنی اثبات یولنه عدم انصرافی ایله تبین ایتمسنه وعبدالعلینک دخی مرقوم مشهد علی ایله براودهده بیتوتت ایدیکی

جملهٔ شهادتدن اولسیله ویتاغنده اشیا ی مسروقه ظهور ایتمسیله اولبایده مشهد علی یه اشتراک ایلش اولدیفنی ومتمماتک استنطاقاً مدعی شخصیلره ارا نه قلنمش اولدیفنی کی محکمه جه دخی ظفیری افندی ایله مواجهه اجرا قلنمسنه وهر جبروشدته اثر جرح ظهوری غیر لازم و اقرار جرم ایتمسانلرک تجربینی اکثریا قرینهٔ قاطعه مستلزم اولمسنه مبنی متهماتک محکمه ده انکار افعال ومدافعه وکیللرینک دخی طلب برائت وعدم وقوع جبروشدست حقنده سرد مقال ایللری غیر مقبول ومحصول کلام متهمان مشهد علی وعبدالعلینک ۳۲۳ سنه سی مارتک دردنجهی کیجه سی مرجان جاده سندن کچیکده اولان ظفیری افندی ایله ترزی قسطینک لایلا و مساحا وایکی کیجه مقدمه طودوری افندینک کذلک مساحا و لایلا اوکلرینه چیه رق ومدعی شخصیلرک رضاسنک تقضی اولهرق جبروشدست اجراسیله قنود واشیلربی اخذوغصب ایتمکری بیتات کافیه وقرینهٔ قاطعه ایله حد ثبوته موصول اولدیفندن اولوجهله مجرماتلرینه وجاهاً ومتفقاً قرار ویرلهرک محاکمه اوطه سنه عودتله قرار مذکور علناً قرائت و بیان اولندقمه معاون موسی الیه مجرمان مشهد علی وعبدالعلینک قانون جزانک ایک یوز یکرمی برنجی ماده سنه توفیقاً تحدید جزالربی طلب وادعا ومدافعه وکیللری دخی موکللرینک تخفیف جزالربی استدعا ومشتکی ایله مجرمان مرقومانده بشقه دیه جککری اولدیفنی بیان وانبا ایللریله بونقطه یه عائد محاکمه نک دخی ختام بولدیفنی تفهیم اولهرق تکرار مذاکره اوطه سنه کیدلدی .

جهت جزائییه لر حقنده دخی مذاکرهٔ کیفیت اولندقمه مجرمان مشهد علی وعبدالعلینک حرکتلری جزا قانوننامهٔ هارونک ایک یوز یکرمی برنجی ماده سنه موافق مادهٔ مذکوره « خرسزلق معاملهٔ شدیدیه اجراسیله وقوعبولوب فقط بویه معاملهٔ شدتدن اثر ایسه ویاخود معاملهٔ شدت وقوعبولوبده فقط اولا کیجه اولدیفنی وثانیاً ایک دوها زیاده اشخاص طرفلردن جمله سی ویاخود ایجاردن برسی مسلح بولندیفنی حالده وقوعبولش ایسه متجاسر اولانلر کذلک موقتاً کورک قونیلور » عباره سی ناطق اولدیفندن اشبو مادهٔ قانونیه حکمنه توفیقاً وابتدای توفیقلری اولان ۳۲۵ سنه سی صفرینک بشنجی کونندن اعتباراً وفعللرینک تعددنن ناشی جزالری تشدیداً دردر سنه مدته کورک قوللرینه ومصارف محاکمه اولان جمعا یوز سکسان غروشلق دخی کندولردن بالتحصیل عدلیه وزنه سنه تسلیم ایتمدیرلمسنه

واشیای مسروقه نک صاحب لرنه رد واعاده سنه ۳۲۳ سنه سی جزرانک یکرمی بدنجی کونی وجاهاً ومتفقاً قرار ویرلهرک اصول تفهیمی اجرا قلندی .

لئونیدانک نیقولینک جیندن اچمه سر قته تصدی ایدیکی ثابت اولش وسابقه لی بولنش اولسندن ناشی درت ماه حبسنه وختام مدت جزائییه سنده ضابطه جه کفالتله ربطله

یورکینک ایزدوری ضرب وجرح ایتمدیکی ثابت اولدیفندن بر آلتون آله رق ایزدوره ویرلمسه یکدیگرینه تشهر سلاحه جرأتلری تبین ایدن غلطه ده قهوه یی یورکینک برماه واشیای یوردانک یکرمی کون مدتله حبسلرینه

اورکنی نام شخصی ضرب وجرح ایدیکی تبین ایدن جعفرک برماه حبسنه

رنجبر عابدینی ضرب ایدن دیوارچی اقیمدن بر بیق آلتون اخذیه مضرویه اعطاسنه

آشچی رؤفک امواله ایرات خسار ایدن واپور آتشجیسی محمددن اون بش بشلک جزای نقدی آلمسنه

حلوای عمر اوسته نک اشیا سی سرقت ایدن قفسی زقاغنده ساکن سلانیکلی حسنک اوچ ماه حبسیله برابر مدت جزائییه نک ختامنده کفالتله ربطله طبله کار جمیلی اجرای مأموریت حالتده سوه معامله ایله برابر ضرب ایدیکی تبین ایدن پیری پاشاده بولیس کاظم افندینک برماه حبسنه

خلاف تنبیه حرکتی تبین ایدن قوندر یه چی ملنی نام شخصدن بش بشلک جزای نقدی آلمسنه

حلیبی ضرب ایدن طوپخانه ده ساکن قوندر یه چی سیدک برهفته حبسنه

شریغه خانی ضرب ایدیکی شهادتله تبین ایدن محمددن بر آلتون آلتوب مضرویه یه اعطاسنه

عثمانه اطاله لسان ایله برابر اخافه قصدیه تشهر سلاحه جرأت ایدن قاسم پاشاده ساکن ایرانی بهارک ایک بیق ماه حبسنه

تولوغوسی ضرب ایدیکی شهادتله تبین ایدن آراه چی اسماعیلدن بر بیق آلتون آلتوب مضرویه اعطاسنه

یدلرنده یکرمی کیلو قیاق توتونه در دست اولتان نفیسه وخدیجه خاتلردن سکر یوز غروش جزای نقدی آلمسنه

پترونک خلاف تنبیه حرکتی تبین ایتمکله بش بشلک جزای نقدی استیفاسنه

مخالف قانون حرکتی تبین ایدن نسیمدن بش بشلک جزای نقدی آلمسنه

قوزمه يي ضرب و جرح ايلديكي تين ايدن
شاكرك اون بش كون حبسيله برابر بر آلتون آلهرق
مرقوم قوزمه يي ويرلسنه

شرکت خيره واپورلرنده طائفه حسين اغايه
اطاله لسانه برابر مرقومى ضرب ايلديكي تين ايدن شرکت
مذکورده قودان اکسنة فون افنديدن اوچ آلتون
آلهرق حسين اغايه ويرلسنه

علي جرح ايدن چراق نيقوليدن بر آلتون
آلتوب مجروح مرقومه ويرلسنه

آرابه جيلر کتخداسى نجيب اغايي ضرب و جرح
ايلديكي تين ايدن چوبان ابراهيمك برهفته مدتله
حبسنه

زهرانك اوزرنده درت ونفيسه ده دخي سكر
كيلو قچاق توتون ظهور ايلديكي تين ايتمكه نفيسه دن
اوچيوز يكرمي وزهرادن يوز التمش غروش جزاي
نقدى استيفاسنه

اجراي مأموريت حالنده اولمديني حالده ژاندارمه
داود اغايي ضرب و مرقومه تشهير سلاح ايلديكي ثابت
اولان عليك ايكي آي مدتله حبسنه

قلايجي باغچه سنده يانطوفك خانه سندن وقوع
بولان سرتك فاعلي اولديني تين ايدن محمد افنديك
اوچ ماه مدتله حبسنه

ميخالك اسپريوه اطاله لسان ايدرک ضرب
و جرح ايلديكي ثابت اولديغندن اون كون حبسنه
احمدك ويزيني يي ضرب و جرح ايتديكي ثابت
اولديغندن اون بش كون حبسنه

آندونك علقوي جرح ايتديكي ثابت اولديغندن
برهفته حبسنه

پانده لينك اولغا وانكليك يي ضرب و جرح ايتديكي
وامواله ايراث خسار ايلديكي ثابت اولديغندن اون
كون حبسنه

مدينه خانك آفتك امواله ايراث خسار ايتديكي
ثابت اولديغندن اون بشلک جزاي نقدى اخذينه

احمدك عزيزي ضرب ايلديكي ثابت اولديغندن
بر التون التوب مضروبه اعطاسنه

يكديكريني ضرب ايتمكه مظنون بولنان ايتاليالى
اميددن برالتون التوب قنبره ويرلسنه وقنبرك برهفته
حبسنه

ايتاليالى ماري و قاتينانك ويقتوريا و ديمتريك
ويقتوريايه اطاله لسان ايتدكلى ثابت اولديغندن
بر التون جزاي نقدى آلمسنه

نيقولينك يوركيه اطاله لسان ايتديكي ثابت
اولديغندن يارم التون جزاي نقدى آلمسنه

افتميانك ماريقايي ضرب ايتديكي ثابت اولديغندن
برالتون آلتوب مضروبه ويرلسنه

مارميناك جورجيه اطاله لسان ايتديكي ثابت
اولديغندن يارم التون جزاي نقدى آلمسنه

مارميناك الكسيه اطاله لسان ايتديكي ثابت
اولديغندن يارم التون جزاي نقدى آلمسنه

علي ومصطفى ومرضىك مضاربه ايلدكلى
ثابت اولديغندن بر هفتة حبسترينه

واسيلك ليغوري ضرب و جرح ايتديكي ثابت
اولديغندن ايكي التون التوب مضروبه ويرلسنه بك اوغلى
بدایت محكمه سى جزا دائره سنجه قرار ويرلشدر .

مُجَازَاتُ نَدَبِ الْهَيَّةِ

ارطغرل سنجايي بدایت محكمه سى جزا دائره سى
رئيس سابق نجيب افندي ايله محكمه مذکورہ اعضای
سابقه سندن بغوص اغانك مواد معينه ده خلاف قانون
معاملاتله وظیفه مأموريتلريني سوء استعمال ايلدكلى
خداوندكار ولايتي استيناف محكمه سى مدعى عموميلکندن
وارد اولان اوراق تحقيقه مندرجاتندن مستبان
اولسنه مبنی مومی اليهانك محاکمه آلتنه آلملرينه
عدليه نظارت جليله سنجه مأذونيت ويريله رك مذکور
مدعى عموميلک تليغات لازمه اجرا ايدلشدر .

سيورك قضاسى نايي و بدایت محكمه سى رئيسي
اسماعيل حق و محكمه مذکورہ اعضای سابقه سندن
رمضان و مستنطق معاون سابق جودت و مدعى
عمومي معاوني وكيلى پوليس قوميسرى حاجى احمد
ويوزباشى سليمان افنديلرك مواد معينه ده وظیفه
قانونيلريني سوء استعمال ايلدكلى ديار بكر ولايتي
استيناف مدعى عموميلکندن وارد اولان اوراق
تحقيقه محتوياتندن مستبان اولسنه مبنی سائر ايجاب
ايدنلر حقارنده توحيد تحقيقات اولنق اوزره
مومی اليهانك محاکمه آلتنه آلملرينه عدليه نظارت
جليله سنجه مأذونيت ويريله رك مذکور مدعى عموميلک
تليغات مقتضيه اجرا و رئيس مومی اليهانك كيفيت
محاکمه سندن طرف عالي مشيختناهي يده معلومات
اعطا قلمشدر .

اِخْلَافَاتُ

در سعادت منابت حکم سنده :

اسلحه قاچردقلى اداسيله متهم اولان و مقدمات
غلطه ده عرب جامع شريفى جوارنده چشمه ميدانده
دكر بقالى محمدك خانه سنده مستأجراً اقامتله عباس
اغانك يوز نومرولى معونه سنده معونه جيلق ايدن

اورته بويلى ، يورلاق آينلى ، والا كوزلى ، و متناسب
آغز و برون چكلى ، قرال صاچ و بيقلى ، و بغدادى
بكرلى يكرمى درت ياشنده اونيه لى شيشمان اوغلى
مصطفى بن حسين دردست اولنه ماش اولديغندن
تاريخندن اعتباراً جانب رياستدن كندوسنه مجدداً
اون كون مهل اعطا قلمشدر مهل معين طرفنده
مرقوم محكمه يه كلكي حالده قانونه اطاعت ايتماش
نظريه باقيله رق حقوق مدنيه دن اسقاط قلمه جنى
و عليهنده دعوايه قيام اولنه جنى و محاكمه غيابيه سى
اشنده اموانك حيز آلتنه آلتنه جنى و بوضرده بر
كونه ادعايه حق اوله ميه جنى و باجلمله ضابطه عدليه
مأمورلرينك كندوسنى طومتغه مجبور بولندقلى كى
معاملات حيزيه حقه ده دخي مدعى عموميلک تليغات
مقتضيه اجرا ايلديكي جهتله اصول محاکات جزائيه
قانوننك اوچيوز يتش برنجي و اوچيوز يتش ايكنجى
ماده لرندن استنباط اولنان احكامنه توفيقاً اشبو قرارنامه
بالتنظيم اعلان اولنور .

اوچيوز يكرمى اوچ سنه سى نيسانك التنجى
جمعه كوني ته باشند بريستول اولنده طقسان درت
نومرولى اوطه ده مسافره مقيم رشيد مطران بكك
معلوم المقدار اشيا سنى سرقت ايتديكي اداسيله اتهام
ايديلان و مقدمات مذکور اولنده اوچ كيجه مسافر
صفتيله قاهره بالآخره فرار ايدن و مسكرات
فابريقه طورى دنيلان واورته بويلى ، واسمربكرلى ،
وقره بيقلى اولوب كوزلكلى و قاشنك يان طرفنده
بيوك دوكمه يه مشابه سياه برنشانه بولنان و آرقه سنده
اوزون مانتو و باشنه سياه بومبه شاپكه كيمكده اولان
يونانى ديمستونى بوريس نام شخص دردست ايديله ماش
اولديغندن تاريخندن اعتباراً جانب رياستدن كندوسنه
مجدداً اون كون مهل اعطا قلمشدر مهل معين
طرفنده مرقوم محكمه يه كلكي حالده قانونه اطاعت
ايتماش نظريه باقيله رق حقوق مدنيه دن اسقاط
قلمه جنى و عليهنده دعوايه قيام اولنه جنى و محاكمه
غيابيه سى اشنده اموانك حيز آلتنه آلتنه جنى و بوضرده
كونه ادعايه حق اوله ميه جنى و باجلمله ضابطه عدليه
مأمورلرينك كندوسنى طومتغه مجبور بولندقلى كى
معاملات حيزيه حقه ده دخي مدعى عموميلک
تليغات مقتضيه اجرا ايلديكي جهتله اصول محاکات
جزائيه قانوننك اوچيوز يتش برنجي و اوچيوز يتش
ايكنجى ماده لرندن استنباط اولنان احكامنه توفيقاً
اشبو قرارنامه بالتنظيم اعلان اولنور .